

POLITIKA HASATIL BA DESENVOLVIMENTU AGRIKULTURA SUSTENTAVEL IHA TIMOR LESTE.

Husi: Arsenio Pereira da Silva

Konferensia La Via Kampesina, Timor-Leste, Marsu 2009

Introdusaun,

Ita hotu hatene katak Timor leste hanesan nasaun ida ukun an iha 1975 no restoura independensia iha tinan 2002. Hatudu katak buat barak mak povu agrikultor Timor hasoru iha tempu okupasaun Portuques to tempu invasaun military Indonesia.

Iha tempu okupasaun Portuques, portuques sira mai ho hanoin ukun Timor liu husi aprosimasaun politika sivilizasaun, edukasaun, religiaun no aprosimasaun ba rai nain ou liurai para fasil atu ukun no okupa rai produktiva sira hodi halao aktividade agrikultura ho sistema “Monokultura” .

Iha tempu okupasaun Indonesia; Indonesia ho aprosimasaun liu husi politika governu sentral Jakarta, katak agrikultor Indonesia iha nebe deit tengki tuir programa governu uniforma nebe hanaran suasembada Beras atraves politika revolusaun verde. Ho aprosimasaun mekanizasaun, fertelizasaun kimiku, (pakote ida). Programa ne’e konsege foti agrikultor Indonesia iha tempu neba. Hanesan mos iha Timor leste liu husi ditadura Soeharto nebe liu nia military hodi halao politika revolusaun verde henesan BABINSA nia mos intervene ba agrikultor no obriga tenke halao programa sentral soeharto nian.

Politika Soeharto ne’e diak iha tempu neba tamba iha premeiru etapa sasan sira ne’e fo gratuito, entaun povu agrikultor ho rai mos depende ona ba programa gratuito ou projeto. Idepois rai no povu agrikultor depende ona ba mekanizasaun, adubus kimiku, fini hibrida, oportunista kapitalismu tama ho negosiu material agrikola. Entaun komesa sasan agrikola folin komesa sae ba nafatin, komesa agrikultor faan rai, fo aluga rai, I sira sai fali hanesan servisu nain ba kapitalismu sira (pemodal).

Iha Tempu ukun rasik an, Timor leste repete fila fali iha tempu emergjensia fahe traktor ajuda husi governo Sinha I to’o ohin loron trator sira ne’e sai besi at I halo foer ambiente iha Timor Leste. Timor Leste la para ho ne’e deit maibe liu husi politika governo ate agora sei halo introdusaun mekanizasaun, no fini hibrida ba povu agrikultor liu husi programa ekstensifikasaun, intensifikasaun no diversifikasaun atu atinze devisit produsaun alimentar iha rai laran ho programa seguransa ai-han iha Timor leste.

Politika no Papel REDI HASATIL.

Politika hasatil mak luta ba agrikultura sustentavel iha Timor leste tuir prinsipiu ukun rasik an bazeia ba pilares tolu:

Pilar I : ekonomia sustentavel ; katak agrikultor halo aktividade agrikola iha gestaun diak atu gere produsaun agrikola, hodi hasae kresimentu ekonomia uma laran liu husi; matenek local, rekursu local nebe iha balansu ho introdusaun husi liur atu evita dependensia agrikultor ho sasan hanesan ; mekanizasaun, fini hibrida, venenu kimika ou audubus kimiku nebe folin as tebes se ita kompara ho produsaun atu asesu ba merkadu.

Pilar II: ekolojia Sustentavel; katak agrikultor halo aktividade agrikola iha gestaun diak atu maneza ambite ho kuidadu ho responsabilidade atu nune ita bele konserva Rai, be'e, fini ho rekursu naturais atu nune gerasaun ba gerasaun utilize nafatin.

Pilar III: social-cultural nebe sustentavel; katak hametin relasaun no partisipasaun komun iha sosiedade agrikola nia leet iha comunidade koperativa no hametin kultura uza ho responsabilidade, renova no konserva.

Papel Redi Hasatil,

Papel redi hasatil; redi hasatil liu husi nia membru organizasaun hamutuk 38 nebe servisu hamutuk ho grupo agrikultor sira iha area rural no remote atu servisu hamutuk no fo assistensia teknika ho aprosimasaun ho valorize matenek local, produtu local. Sai baze planu desenvolvimentu agrikultura.

Redi Hasatil tuir nia prinsipiu katak sei hatutan lia agrikultor sira liu husi dalan advokasia nebe iha relasaun feedback (timbale balik) katak redi fahe informasaun ho maneira oi-oin ba agrikultor sira rasik no fahe informasaun husi agrikultor sira ba governo no duador .

Liu husi membru organizasaun sira katak agrikultor feto, mane, juventude hanesan sai papel inportante iha desenvolvimentu agrikultura atu kria rasik kampu trabailhu liu husi dalan agrikultura atu hamenus kiak.

konkluzaan

Redi Hasatil hamutuk ho agrikultor firme I alerta nafitin, sepanjang politika ruma nebe kontra valor no prinsiu nebe la favorese ba agrikultor sira.

Redi HASATIL sempre firme I alerta nafatin kontra politika neoliberalismu nebe la fo fatin ba agrikultor ki'ik sira.

ALERTA,!!! ALERTA,ALERTA, ALERTA GUE CAMINHA DE JUVENTUDE LUTA DE LA VIA CAMPESINA.

GLOBALIZEMOS DA LUTA GLOABALIZEMOS DA ESPERANSA

GLOBALIZE THE STRUGGLE GLOBALIZE THE HOPE.

VIVA AGRIKULTOR.